

AFRICA.

LIBER QUARTUS.



Am de Africa dicendum, quæ ex tribus diœcesibus Præfecto Prætorio Italiæ subiectis ultima nobis est illustranda. Hanc non latè describam, ut tertia mundi pars est, quæ undique ferè ad modum peninsulæ Oceano, Mari Mediterraneo & Rubro alluitur, brevi tantum isthmo Asiæ juncta, & angusto freto ab Europa distincta. Nec etiam de illa strictiori significatione accepta dicam, prout Africæ provincia specialis, & prima è Romanis habetur, cujus Metropolis erat Carthago: sed ea qua primùm divisa legitur à Ptolemæo in Africam, Mauritaniam Tingitanam, & Mauritaniam

I.
AFRICÆ DE-
SCRIPTIO, ET
DIVISIO CIVI-
LIS.

Cæsariensem; & postea sub Constantio, in Mauritaniam, Numidiam, & Africam. Sic eo modo sumpta describitur in perantiqua Notitia Græca^a, ejus Imperatoris, ut ferunt, temporibus facta: *Vergentem ad Austri terram invenies terram Mauritaniam, cujus homines barbari quantum ad vitam & mores, Romanis tamen subditi. Hæc provincia vestium & mancipiorum mercaturam exercet, frumentoque abundat, & civitatem habet Cæsaream. Exinde post Mauritaniam, Numidia provincia est, frugibus abundans, sibiique sufficiens, quæque vestium variarum, & optimorum animalium, seu equorum mercaturam excercet. Proxima huic provincie, Africa regio in omnibus dives occurrit: quæ omnis generis bonis ornata est, frugibus etiam & jumentis: & ipsa ferè omnibus gentibus usum olei præstat.*

^a Ex Notitia
Græca tempo-
re Constantii
Imp. facta.

Tandem in septem Provincias distributa est, Proconsularem, Numidiam, Byzacenam, Mauritaniam Cæsariensem, Sitifensem, Tingitanam, & Tripolim. Hæc docet Notitia civilis Imperii, nec non Proconsularem ab uno Proconsule à Vicarii autoritate exempto fuisse administratam, quippe qui soli Præfecto Prætorio Italiæ pareret, sicut Proconsules Asiæ & Achaïæ solis Orientis & Illyrici Præfectis subiecti erant: Bizacium autem, Numidiam, Mauritaniam Sitifensem, Mauritaniam Cæsariensem, & Tripolim à quinque Re-
ctoribus tunc gubernari, apud eam quoque legere est, quorum duo Consulares Numidiæ & Bizacio præerant; & tres Præsides Tripolitanam, Mauritaniam Sitifensem, & Mauritaniam Cæsariensem regebant. Nulla fit apud eam Tingitanæ mentio, & ratio est, quod tunc Vicario Hispaniæ subiecta esset, & sub eo à peculiari Præside administrata, idque ad hæc usque tempora, quibus Africam Vandali usurparunt. Eadem quoque recensetur divisio Africæ in Breviario rerum gestarum populi Romani ad Valentinianum Imperatorem per Sextum Rufum^b, quo post descriptionem subactarum Romano Imperio Mauritaniarum, omissa etiam Tingitana hæc ait: *Ita Mauritanie nostræ esse cæperunt, ac per omnem Africam sex provincie factæ sunt, ipsa ubi Carthago est Procon-*

^b Sextus Rufus
in Breviario.

K 3

sula-

NOTÆ LUCÆ HOLSTENII.

¹ Tandem in septem provincias &c. Procopius lib. 2. Vandal. Mauritaniam in duas partes sive provincias dividit, quarum illam Primam vocat, & Sitiphim Metropolim habere ait. Alteram Secundam appellat, cujus Metropolis Cæsarea. Priorem illam Zaben

quoque dictam scribit. Proconsularis Numidiæ legitur in Cod. Theodol. l. 39. lib. 11. De annona & tributis, ubi legendum distinctis vocibus: *Proconsularis & Numidia*; res ipsa postulat.